



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.51. Arlotus Pontificius in Anglia Nuncius.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

§. LI.

Sæcul. XIII.
A.C. 1258.*Arlotus Pontificius in Anglia
Nuncius.*

Arlotus Hypodiaconus & Notarius Pa-
pæ hebdomade sancta, scilicet exeun-
te Martio anni 1258 Londinum advenit,
quanquam Legati titulum non haberet,
multorum comitum & viginti equorum
pompa spectabilis. Litteræ 12 Decem-
bris elapsi ei traditæ Regique Anglorum
inscriptæ continebant, illum habere po-
testatem concedendi huic Principi dilatio-
nem expeditionis in Siciliam usque ad
Calendas Junii; Regemque, quantum ad
præterita spectaret, exsolvi censuris, in
quas ob promissionem non servatam in-
currisset. Altero die Martis post Pascha
Rex Henricus Londini senatum habuit,
in quo inter alia magni momenti negotia
res Siciliæ agebatur, Arloto certum ac de-
finitum de illa responsum postulante. Vo-
lebat insuper maximam pecuniæ sum-
mam, ad quam mercatoribus solvendam
se Papa pro Rege obligasset.

*Matth. Par.**p. 826.**ap. Rayn.**1257. n. 39.**40.**Mat. Par.**p. 927.**p. 828.*

Arlotum brevi secutus est Mansuetus
Ord. Minorum pariter a Papa missus ad
stimulandum Regem. Sacello Pontificio
& expiationibus Romæ præfectus erat,
magnamque habebat potestatem, etiam
com-

*Vading.**1263. n. 30.*

com-

Sæcul. XIII. commutandi vota omnium Regis dome-
A.C. 1258. sticorum, & proscriptos, falsarios ac per-
 juros absolvendi, ita, ut facilitas veniæ
 multos ad peccandum animaret. Cum
 Rex urgente Papa efflictim posceret a Se-
 natu suppetias, per quas promissum per-
 solveret, Angliæ Proceres reponebant:
 Non possumus nos toties exhaurire ob-
 molitionem temerariam sine consilio no-
 stro formatam. Debebas sequi exem-
 plum Principis Richardi fratris tui recu-
 santis Siciliam sibi a Papa per Doctorem
 Albertum oblatam. Perpendebat mul-
 titudinem variarum regionum Angliam
 ab Apulia separantium, mare, montes,
 locorum distantiam, diversitatem lingua-
 rum, & quas maxime timebat, captiosas
 Aulæ Romanæ artes, ac Sicularum per-
 fidiam. Ne tamen ingratus erga Papam
 videretur, ita respondit: Quod offers, ac-
 ciperem, si mihi sacros milites omnes au-
 xilio mitteres, quem ad finem Nuceria
 ethnicorum domicilium in obtentum ho-
 nestum serviret; si præterea dimidiam
 belli sumptuum partem subministrares;
 ac quædam loca mihi, si necessitas exige-
 ret, perfugio futura traderes. Conclude-
 bant Proceres denegando Regi petitum
 pecuniæ subsidium: at Præsules non au-
 debant loqui.